

18 Maart

Edicion Special Dia di Himno y Bandera

Telebrando e aña aki 20 aña di nos Status Aparte y 30 aña di nos Himno y Bandera

Aruba y su monedanan



su propio moneda cu tabata tin e inscripcion "Munt van Curacao".

Te rond di 1950 e monedanan a worde traha cu "Nederlandse Antillen" ariba nan. E temponan ey tabata tin fuera di Florin di plata un Florin di papel tambe - un billete cora. Tambe F. 2.50 tabata bin na un billete. Esaki a desaparece despues.

Tempo cu Aruba a haya su Status Aparte, Gobierno a introduci tambe e placa Arubano cu ta e "Florin". Kiermeen cu sea bo ta papia Hulandes of ingles bo mester bisa por ehempel "Drie Florin" of "Three Florins" y no gulden of guilders.

Ariba e placanan di papel tambe tin diseñonan di Afls. 100,- tin un dori, Afls. 50,- tin un shoco, Afls. 25,- tin un cascabel, ariba Afls. 10,- un calco indian y ariba esnan di Afls. 5,- un turtuga blanco. Esnan di Afls. 5,- a



sali for di circulacion y awor nos tin un placa di color oro rondo pa Afls. 5,-.

Antes tambe nos grandinan ta uza nombenan special pa cada moneda of combinacion di placa. Lo ta bon pa puntra bo grand-

inan pa si nan sa cuanto placa ta:

Un ria...
doria...
Un chilin...
tre Yotin...
Un placa gai...
Un zepellin...
Un gourdein...
doria-dosplaca.....

Segun historia den temponan remoto nan tabata uza cocolishi y cuenta como medio di pago. No tabata existi placa, manera nos conoce awendia. Ta rond di 1800 Aruba a conoce e "guillotín", su forma triangulo ta indica cu e tabata un dollar parti na cuater.

Na e mesun tempo tabata tin un moneda yama "patin" cu tabata un peso of 8 real. Tambe tabata circula valenan di papel

envez di placa y balor tabata na "sol" e moneda peruano. Masque cu na Curacao nan a introduci e placa Hulandes, Aruba si a keda uza e peso cu tabata alrededor di 2 Florin y na 1827 a bira 1,333 Florin. Mas despues e placa Hulandes tambe a worde acepta na Aruba, esakinan tabata tin skirbi "Koninkrijk der Nederlanden" ariba nan. Despues Antiyas a haya

